



عموم اهلایه

TDV İSAM
Kütüphanesi Arşivi
No HHP.558

قارداشلر | مؤده |

اوتوز ایکی سنه درسو کیلی طوبراقلر منک بر چوغنی وجود وطندن قویاروب آیران ، الیزده قالانلری آل قانله بویان ، اوتوز ایکی سنه در اوتوز بش میلیون انسانی حیوان سوروسی کبی قوللانوب انسانلنی بیلدیرمین ، اوتوز ایکی سنه در ملنک حیثیتی پامال ایدن ، وطن قارداشلرینی بربرینه دشمن ایدرک راحت یوزی کوسترین ، کیمیزی سورکونلرده ، کیمیزی زنجیرلرده ، کیمیزی زندانلرده هلاک ایدن ، عسکرک سلاحنی سوء استعمال ، مأورلرک اخلاقی افساد ایدن ، زنگینلر منک مالنی خراب ، فقرامنک کیسه سندن پاره سرقت ایدن ، اوتوز ایکی سنه در یالانچیلقله ، آچاققله ، ناموسسزقله اداره یه چالیشان سکز اون خاننک ملنک جکرینه صالدفقری ظلم پنجه سنک بیر تیجی طیرناقلرندن آرتق قورتیلورز .

(عثمانلی ترقی و اتحاد جمعیتی) بتون وطن قارداشلرینی اللهه حمد و ثنار اولسون ، اتحاد و محبت باراغنی آلتنده طوبلادی ، هر کسی بربرینه سودیردی ، ال برلکیله ، یورک برلکیله وطنی ظالملرک الندن قورتاریور آرتق هر کس حر ، هر کس مسعود و مسرور اولور . فقط بونک ایچون ، بوکا تامایله موفق اولوق ایچون جمله کزه جمعیتک بر نصیحتی ، بر اخطاری وار : (زره قدر ناموسدن ، طوغریلقدن آیرلیکیز . کیمسه یکدیگرینک مالنه ، عرضنه ، جاننه ، تعرض ایتسون هر کس اونلره ابرازحرمت و صحابت ایتسون . بالخاصه مملکت مزده یاشایان اجنبی دوستلر منک مالی جانی مرضی قطعاً بزم کفالت و امنیتز آلتنده بولمیدر . ناموس ، محبت و انتظام التنده یالکز وطنک سلامتتا چالشمقله تاریخ مزده ، تاریخ عمومیده پاک ، شانلی وابدی بر نام براقلم . چالشمق ایچون جمعیتک وسائط مخصوصه ایله ملته تبلیغ ایده جکی تبلیغاتدن قیل قدر آیرلیکیز . جمعیتک اخطارات و تعلیماتی خلافنده حرکت ایدجک اولانلرک جزای پک شدتلی و سریع اولدیفنی بیلکیز . زیرا عثمانلیق نامنک شاننی محافظه ایتک ناموس و حمیتدن آیرلامقله اولور . وطن سزدن یالکز بونی ایستیمور

یاشسون وطن ! یاشسون ملت ! یاشسون حریت !